



Over dit boek

Dit is een digitale kopie van een boek dat al generaties lang op bibliotheekplanken heeft gestaan, maar nu zorgvuldig is gescand door Google. Dat doen we omdat we alle boeken ter wereld online beschikbaar willen maken.

Dit boek is zo oud dat het auteursrecht erop is verlopen, zodat het boek nu deel uitmaakt van het publieke domein. Een boek dat tot het publieke domein behoort, is een boek dat nooit onder het auteursrecht is gevallen, of waarvan de wettelijke auteursrechttermijn is verlopen. Het kan per land verschillen of een boek tot het publieke domein behoort. Boeken in het publieke domein zijn een stem uit het verleden. Ze vormen een bron van geschiedenis, cultuur en kennis die anders moeilijk te verkrijgen zou zijn.

Aantekeningen, opmerkingen en andere kanttekeningen die in het origineel stonden, worden weergegeven in dit bestand, als herinnering aan de lange reis die het boek heeft gemaakt van uitgever naar bibliotheek, en uiteindelijk naar u.

Richtlijnen voor gebruik

Google werkt samen met bibliotheken om materiaal uit het publieke domein te digitaliseren, zodat het voor iedereen beschikbaar wordt. Boeken uit het publieke domein behoren toe aan het publiek; wij bewaren ze alleen. Dit is echter een kostbaar proces. Om deze dienst te kunnen blijven leveren, hebben we maatregelen genomen om misbruik door commerciële partijen te voorkomen, zoals het plaatsen van technische beperkingen op automatisch zoeken.

Verder vragen we u het volgende:

- + *Gebruik de bestanden alleen voor niet-commerciële doeleinden* We hebben Zoeken naar boeken met Google ontworpen voor gebruik door individuen. We vragen u deze bestanden alleen te gebruiken voor persoonlijke en niet-commerciële doeleinden.
- + *Voer geen geautomatiseerde zoekopdrachten uit* Stuur geen geautomatiseerde zoekopdrachten naar het systeem van Google. Als u onderzoek doet naar computervertalingen, optische tekenherkenning of andere wetenschapsgebieden waarbij u toegang nodig heeft tot grote hoeveelheden tekst, kunt u contact met ons opnemen. We raden u aan hiervoor materiaal uit het publieke domein te gebruiken, en kunnen u misschien hiermee van dienst zijn.
- + *Laat de eigendomsverklaring staan* Het “watermerk” van Google dat u onder aan elk bestand ziet, dient om mensen informatie over het project te geven, en ze te helpen extra materiaal te vinden met Zoeken naar boeken met Google. Verwijder dit watermerk niet.
- + *Houd u aan de wet* Wat u ook doet, houd er rekening mee dat u er zelf verantwoordelijk voor bent dat alles wat u doet legaal is. U kunt er niet van uitgaan dat wanneer een werk beschikbaar lijkt te zijn voor het publieke domein in de Verenigde Staten, het ook publiek domein is voor gebruikers in andere landen. Of er nog auteursrecht op een boek rust, verschilt per land. We kunnen u niet vertellen wat u in uw geval met een bepaald boek mag doen. Neem niet zomaar aan dat u een boek overal ter wereld op allerlei manieren kunt gebruiken, wanneer het eenmaal in Zoeken naar boeken met Google staat. De wettelijke aansprakelijkheid voor auteursrechten is behoorlijk streng.

Informatie over Zoeken naar boeken met Google

Het doel van Google is om alle informatie wereldwijd toegankelijk en bruikbaar te maken. Zoeken naar boeken met Google helpt lezers boeken uit allerlei landen te ontdekken, en helpt auteurs en uitgevers om een nieuw leespubliek te bereiken. U kunt de volledige tekst van dit boek doorzoeken op het web via <http://books.google.com>

4848
D36G5





⌘B 155 915

Y0148765



Otto Bremer
28. 10. 02.

· FROM THE LIBRARY OF ·
· OTTO BREMER ·



Otto Bremer
28.10.02.

·FROM·THE·LIBRARY·OF·
·OTTO·BREMER·



Gloofhafftige Wahricht

over ne

Affunderlige Operatſchon,

welke dorch den

Dokter te Langeſſen utedacht

un oof

mit groten Gelücke vullenſeuret is.

Laur

Kennnis ebrocht

dorch

Sanitäts-Rath Dr. Dankworth.



In der Harkeburg.

H. Woldag, vorm. C. R. Stolle's Hofbuchhandlung

1893.

PT4848
D2695

BREMER

TO THE
AIRBORNE

Dorsprake.

De Jagdsnuuren, dei von olgen fōsters taun Besten egeven or vertellet weret, un oof Doktergeschichten hāwvet de nāmlige Gemeinheit an sef, dat se beie wat Lōggenhaftes an sef feuret un dat se meerendeils de Luie taun Lachen vorleiet, vorentut, wenn se naduirlich vortellt weret. Uterdeme hāwvet awer de Dokterstōreken dat Eigentuimlige an sef, dat se nich allehope drōwet in finer Sellschopp voredragt weren, indem er Gegenstāme in erwāhlt weret, vorzuglich Vorhāltnisse von den menschligen Liewe, dei de Meeresten mit hāufigen Stillswigen in Obacht nemet.

Sōlle villichte ein oer de annere von de geerten Lāsers, dā düsse Doktergeschichte vor Hogen fre-iet, en bettjen eichelāren sien, or mit swacken Nerfen bigawet, denne mag hei driftig ummeblādern un wat upsaufen, wat ne meer anstait, ef will ne dat nich vor ōwwel nemen. Ik hābbe mef uuirgens von einen sāggen laten, dei et vorstund, naturalia non sunt turpia, dat heft: alles Natuirliche is erlauwet; düsse Meinunge mag up swacken fāuten staan, awer dat mot ef sūlwenst sāggen, dat et oof daderup ankunt, dat et up ne geschickete Art un Wiese voredragt wārd; wenn dat schuit, sau kann mammiges Deil bisproken weren, wat eientlich nich for gans halonghörig cholen wārd.

Wat nu de Lōggenhaftigkeite anbilanget, sau gibt et veele Menschen, dei meinet, wenn se ne Doktergeschichte

4

heeret or läset, dat da nich veel meer Wahrheit inneistöke, we-i in na: foftergeschichte, indem dei meerendeils Löggen wörrer in dat se owerhaupt garnich passe-irt sünd. Et for min Deil kann der Sake nich bislichten, denn et is ja woll waar, dat de Dokters oof eeren Patschenten dagdäglich et Lief vullleiet, wieldessen, wenn se dat nich daien, sau wörrer eere gantse Bemeuunge for de Katte un se kaimen allehope for de Dör tau sitten un bröchten nist tauwäe.

Et Leient un et Täuschent is sautesäggen en Deil von eren Gezähe un Handwerkstuige, umme de Krankedage te bannen, un sau we-i ne gue Utrede en Daler weert is, sau is faken ne geschiffete Lögge for en Kranken sau veel, we-i de Gesuntheit or et Lewent weert.

Sau mag nu ook düsse eigentümliche un besunderlige Vortellunge den Bewies le-iweren, dat Löggen un Täuschungen, wenn se richtig anebrocht weret, nich alleene erlauwet, nee, dat se saugar nich tau entmeiden sind, wenn en Menschenlewen dorch dat Middel kann creddet weren, or dat ut en franken un meuen, vordreitligen Menschen en lewenslustigen und vergneugten kann emaket weren.



De Geschichte.

De Dokter, wat nämlich de Anstichter von düffer Geschichte is, hätt se meß sülwest vortellt un sau utfeurlich, dat es se sau weit, ase wenn es se mit eienen Oogen härre dorcheluwet un hiewoonet.

Hei was, we-i en sau säggt, en affunderligen Heiligen un gunk nich veel mit Minschen umme; do hei mit en Musse un stracks, ohne bifraget tau weren, dorch dat hooge Owersannetekollegien nah Langeßen esettet word, wat de schlechteste Stidde ut den gansen bronswiel'schen Lanne was, un nich Arbeit genau fund, do hei stark un jung was, sau beslot hei, siene frie Tied up ne annere Art nutzbar to maken; et konnene wer saien, dat hei sinen Garen ummegrauf un holt hacke; de Seiße rege-ire, as wenn hei et Maient eleert häre, up en Ackere plante Kartuffeln un pleue se oof an un up. Et kamm oof for, dat se den Dokter von den Pleugent, ut den Felle taun Kranken weghalen; dann sau gunk hei fluck midde un was stolt daderup, weil se den grotten Cincinnati oof saugar tau grotten Staatsackschonen harren von en Plaue weggeraupen. Dorbi uiwe seß in heumaken, Uplaen un Ufrecken, Deschen un Koorenreine-maken, dat hei dat alles ut en Grunne vorstund, we-i ein, dei daderhie uppewossen is.

Do hei assen Dokter da up hollen moste, sine gladdes Hämme tau hebben, sau draug he bie Dae un bie Nacht

Hanschen. Dadurch kanmet, dat hei sik sine Hanne beware sau zartfeulend, dat, wenne ein bi Duistern inklappe, nein Minsche den Underscheid bimerke, off et ne Fruensperson or en Mannsminsche was, un dat hei de fineste Operatschon wei et Staarstäkent un dergliken meer maken könne, sau zart, dat et de Patschenten bienah nich spören.

Tau sienen Reisen up de Derpe benutze de Dokter twei grote Hunne anstatts Päre vortespannen un wennst Sleenbaane was, lait hei sek up twei sienen Slickeren lanf utgestreckt dorch de Hunne trecken. Taudecken dee sek denn bie groter Külle mit tehopegenaieten Zeegenfellen. Wenn hei oof ne-mals in de Wärtshuifer gunk un of nich Kaarten un Skat speele, sau harren er de Luie doch gruiligen Respekt vor wildeffen, dat hei grof was for de groten un rieken Buern un leiflich mit den Kranken un kleinen Luien ummeggunk. Sau kam de Dokter taulest in grote Kundschoy un harre veel Tauvertrauen bien Luien, do hei se flietig bisochte un se oof nich oversette.

Sau kaimen de Patschenten ein nan anner un säen, se wollen mal tau ene komen, nahdem dat se all veel grote Dokters ebruket hārren, sau wollen se nu ene ehr Tauvertruen tauwennen. Do was nu oof te Langeßen ein von de Hittenluie, dei nahr Julichhitte bie Ustfelle gaaet, hei heit Heinrich Swarze mit Namen. Et is all lange leiwe Jaare her, dat hei lewe un veel Water is all inner Jumerste dal-estoten seert der Tied, un veele Kinner sünd edofft un grote-worren un wedder awwescheidet, awer et sünter jezund nog veele, dei ne sek erindert un ne kennt hārwet.

Heinrich Swarze was en rechligen, guen flietigen Inwooner, wo nein Minsche wat up tau säggen harre; hei besat en klein Huisfeken mit en bettchen Acker un hailt sek en paar Käue un en paar Zeegen un Schape; Kinner harre

nich un lewe mit finer frue sau recht genuittlich un inn Wollstanne. Awer sau we-i jedween Minschen mal wat taustöten kann, hei mag sau simpeln lewen, as et man angait, et passe-irt ne unvorsaiens wat un de Süfe bifällt ne.

Upper Nahwerschop up Stichnoth's Howwe harren se et Swineflachtent for un do bidden se Swarzen tau in. Bi saunen Slachtefeste isset inner Nooe, dat en bettchen veel egetten un oof edrunken werd. Dorch dat owerleiige Nödigen un Bruien harre Swarze, dei süß jümmer nöchtern was un sef sin Ewe nich owerlaud, et mochte sien in Eten or Drinken, sef de Mae owerlaen mit Steeke un do harre hei häufig kold Seutebeir daderup genoten. Et duere nich sau lange, do feule sef Heinrich unpäßlich inn Eiewe, un dat namm jümmer tau, hei was gans aufgeblasen, un et Lief word ne dicke un stramm we-i ne Trummel, losweren konne boben un oof unnen nist un et Upstötent stund ne harre vor, dat et ne wolle dat Harte affstöten. Un lesten Enne smult ne de Stichnöth'sche stillen Fridagsbottere, dei se noch inn Schappe staan harre vonte Jaar, in warm Water, wat en vorzuiglich Middel sien fall bi saunen Taufalle. Et hulf oof fluck, kume harret daleslofen, sau gunk et boben los un slaug oof döent dorch, datte dadorch lichter word. Den anderten Morgen was Swarze awer noch nich fullen-komen hergestellt, un moste naen Dokter in Goslär schicken. De Hittenluie wörren nämlich tau den Male den olen Dokter Mildern tauedeilt, wildeffen dat dei in groten Raume stund un in Langeßen alle Nāse lang en anner was.

De Dokter kam aber faken erst in en paar Daen, et kam oof for, dat hei herkam un kam garnich, datau was hei in Stanne, indem dat hei veel umme de Hand harre; sau vorschreiw hei Swarzen wat un harre ne garnich esain. Nu mogte dat villichte et Gegendeil ewest sien, oer de Krank-

heit hārre sef veroldered un was innewörtelt, Swarze was un bleif krank un word süßsch, hei sluire man sau un swanke asse we-i en Schatten, dorbi feule, dat et ne we-i en Zintner in der Maac lag. Wenn hei wat att, sau bekam et ne slecht un hei hārre stets un stännig en Bullwarfen in en Eiewe, dat et wer upper Strate heren kunne, wenn Swarze in sienen Huse was. Alles Bruken hulp un nuße nich. Do hei insach, dat de Dokter in Goslār ene nich hilpen kunne, gunk hei nah Slame un oof nah den Lutendählschen, nacher biratfrage oof den felscher in Wetteborm: et word jümmer dulder in in sienen Eiewe. Telest kamm hei up den dummen Gedanken, hei mößte en lebendig Deirt bie sef hebben; denn düt könne nich mit rechten Dingen taugahn, denn et wörre doch for jedes Dinges Rat in der Welt, wenn et düt nich wörre, un dat lait hei sef nich utreden. Siene fome-ilig aber wollene da nich henlaten, un stundne nich bi, un daderower word hei gans twivelmeuig. In siener groten Qual gunk hei oof nah Lampen in Goslār, wat freuer en Schaufster was, awer nahgaens tau groten Raume kam, nahdeme dat de Köninig un de Königinne von Hannover sef von ne fore-iren laiten. Lampe lache Swarzen wat ut un wiese ne annen Dokter te Langeßen, wo hei gliest von Anfang an sef hārre most an holen, denn dat wörre en Mann, do haile hei grote Stücke up.

Up dei Art kamm hei nun na den Doktere un hanthe-ire un lamenthe-ire datt ene saun Unglücke möste bidräpen, dat hei möste saun Gruil von Beiste mit sef herümmer feuren un könnet nich quiet weren; un et Slimmeste wörre, dat et ne nein Dokter wolle glöwen un fore-ire ne jümmer up annere Krankheiten, dei hei garnich an sef hārre. Dat Deirt, wat hei bi sef hārre, dat laite ne bi Dae un oof et Nachts nich rauen un nich rasten, et gnaae un stöke all

Underlaait; de Weihdae vorlaite ne neinen Goenblick, eten könne hei nist un hei wolle et oof nich, dat Deirt wörre sau hungerig un naimme ne alles vor der Nase weg, sau we-i wat in de Maae kaimme, un hei mööste sef denn von den Gruile sienen Drecke nehren, den et von sef gaiwe; sau wolle hei garnist meer tau sef nemen, un wenn hei oof dadorch mööste vorfmachten. Annere Luie, dei nist härren, klagen daower, dat se sef nich satt esen können, do de Hautschon un de Unbitschon sau düer wörre; hei härre wat tau kauen un oof antaubieten un härre dei veele Schinke un Wost hängen upper Kamer von twei fetten Swienen, awer tau sef nemen dröfte hei nist. Offet woll könne en grötteren Taustand for ne Minschen gewen, dat hei sau veele Guter härre un könne nist dadervon geneiten un mööste gesunnen Liewes ut Hunger starven. Done beschreife den Dokter genau, wat dat Deirt for en utverschämtes Wä-sent an sef härre, wörre nist vorhannen in der Maae, sau fraite et daderanne, dadorch härre hei jümmer sau unvor-dräglige Weihdae, un nacher fänge et an tau hüppen un draie sef allenthalben, as wenn et wolle dorchbräken. „Un se könnt et glöwen, Herr Dokter,“ sächte, „wat dat Beist klauf is, wenn ick mef upper Hitte taun Freuhstücke hense-
 sette un griep nah den Brothuiel, denn sau merket et dat all un denn häwet et sef un bristet sef un suchtet nah siener Narunge. De Worm mot gar keinen Slap häbben, süs laite mef mal ne Stunne vorlüftig, awer nee, hei dait et nich; ek sinn mien Lewent sau satt un meue, un wenn ek von Sei keine Hilfe fre-ie, denn sau mot ek mef en Leed andaun.“ De Dokter sach ut düsse Rede in, wat hei for en Geisteskind vor sef harre un wo et mit Swarzen bistellt was. Hei sach in, dat Swarze up den höggesten Grad en Hüwegunter un up de Art we-i en Historiker was un dat

sien Inbildunge all sau innewörtelt was, dat hei up ne origenäre Wiese nich meer tau fore-iren stunt. Bi alledeme vorsechte hei teerst up alle mechlige Art, Swarzen von sienen Glowen aftaubringen, awer düsse beduerlige Trop harre sek dat all tau feste in den Kopp esettet, un et ne weer uttau-rede, was hei nah siener Meinunge nich kumpawel in Stanne tau sien.

Um alle Sicherheit halben untersochte awer de Dokter Swarzen von Koppe bet taun fäuten, vorzuiglich, do et sek in den siene Liewe stark reege un en häufiges Boldern un Koldern tau vorneemen was.

Do de Undersuchunge tau Enne was, harre siene Ent-sluß esatet un deile Swarzen midde, wat folget:

Hei wolle nu siene Meinunge von sek gewen, et wörre for ene un for Minschenoogen nu unvorborgen, dat Swarte en lewend Diert in sek härre un hei wolle dat ower sek nemen, ene davon tau erlichteren un et an Daeslicht tau halen. Düt wörre allerdinges noch nich un ne-imals ute-feurt un hei härre in den Bäufern, wo hei doch veel inne stude-irt härre, nist un neinen Vorfall uppefunnen, dat en Minsche en lewend Diert, un ein, wat saunen Geist bisaitte, bi sek eseurt härre; de Kinner twarst, forut, wenn se lüt-jeß wörren, denn sau ledden se woll dorch den Spaulworm un dorch Schewewärme, un de grotten dorch den Bandworm, dei en Minschen heullose Dien könne andaun, awer dat wörre mit düssen Ungetuime, wat hei in sek härre, nich in Vorgließ au tstellen.

Wenn hei, Swarze, dat vorlange, denn sau wolle hei düsse sware Sake owernemen, awer hei daie dat nich up sien eigen Re-iseko, indem — do sollne Swarze int Gespräche un säe: „Vergetten se ere Rede nich, Herr Dokter,“ säe, „wat danah kummt, dat gait up miene Kappe. Ein von uns

beien mot starven, dat Deirt oer ef, dat Gruiel hat mef de Jaare saune Smahheit annedahn, dat ef et Lewent nich länger draen kann, wenn ef da nich von befriet were."

„Indem,“ faur de Dokter foort, dat et up Lewen un Dood günge, sau wolle hei neine Nackensläe dadorch hebben un wältere de Verantworunge von sel aff. Taun Enne wolle hei nu Swarzen utenanner setten un vorduitschen, up wesse Art un Wiese sien Vornemen wörre, dat se taun Zwecke kaimen. Dat Deirt saite in der Maae, underwielen kaimen et oof en Deil sieer int Lief tau sitten, wenn et meue wörre, von all den veelen Selwarfen, wat et daie. Von boben wörre da slecht antekomen un utbräfen könne et Swarze nich, wieldessen, dat et tau dicke wörre, sau könne et nich dorch de Stroote. Sau wörre nun nein ander Middel, hei möste den Diere von unnen seufen bitekomen. Dat et nu wieer int Underlief kaimen, sau möste Swarze den Dag, eir hei ankaimen, wat inneemen, wenn ne dat uppen Kopp geräue, denn sau wörret bitäuwet un günge in den Liewe daal un denn könne hei et te faten kre-ien. Düt wörre allerdings nich sünder häufige Weihdage tau bewarkstiddigen, indem hei dadertau möste mit der *Fuß* int Lief gahn un denn dat ganze Ingedeume ower den Arm trecken, bet dat hei an dat Gedeirt geräue; dat aber denn tau packen un tau faten wörre et Meisterstücke, un davor grue ene; denn wer könne davor instaan, dat ne de Worm oer wat et süs for en Geschöpfe sien könne bi der Duisternisse in den Finger beite un laite sien Gift ut un make ne unglückelig. De groten Smerzen, dei eientlich nich tau entmeiden stünnen, wolle de Dokter ene awer afnemen, hei sölle von der gansen Operat-schon nein Spier gewaar weeren, do hei ne wolle woren upruken laten, datte inslaipe un slaipe sau seute, as wenne up Vader Abrahams Slippe sitten deee.

Done säe Swarze, hei feule sef vorhöchtet un all gans stark, dat ne de Dokter saunen guen Trost gawe, un denn sau frauḡ hei ne noch, wonneir datt de Sake sölle for sef gaen.

De Dokter twöre ne an, hei wörre nich awerglöwisch, awer nah sienen Gefeule nah wörre et angemessen, dat se datau den Himmelfahrtsdag naimen, denn wenn et scheif günge, wo hei nich for instaen könne, sau stünnen for Swarzen de Himmelspoorten open.

Sau gung Heindrich Swarze upgeheitert un vull guen Trost nah Hus; siene Inbildunge was nu up en gues Bleeß eplantet.

Do schicke de Dokter nah den Balbe-ire, wat siene rechte Hand was; dei harre ne all truilich bieftahn in veelen twiewelhaftigen Saken, un was den Doktere behilplich taur Hand ewest. Hei wuste von allen, wat innen Därpe schoch, guen Bischeid, doer nein anner Balbe-ir inne was. Bie den Balbe-irent frauḡ hei de Luie up ne klaufe Art ut, datte alles erfaur, wat forgunk, hei was saun Balbeir, wo Horaz ower schrift: omnibus est notum lippis tonsoribus atque etc., dat het: jedes ole Wief un Balbe-ir weit et. Doderbi was hei awer vorswegen we-i et Graff, wenn et sien moste, un de Dokter konne ne alles driestig anvortruen, wenn dat benödiget was. Nu sette hei den Balbe-ir ower de ganze Angeläenheit in Kenntnisse un klare ne up, wat siene Uffsicht wörre; do hei helle was, sach hei dat lichtferdig in un nam et oof up, forsproof oof, in all sienen Lewente nein Woord tau vorleisen, denn dat saige hei in, dat dat ganze Vornemen un de grote Uprichtunge for nist un wedder nist wörre, un dat hei un oof gliekerwiese de Dokter manf de Wespen könne geraan, dat ser beie grote Wiltlöftigkeiten von härren.

De Dokter beupdrage ne nu up den Dag vor Himmelfaard

ne frische Schapsaule antauschaffen, dei möste hei umme-
krepeln, dat et innewennige na butten kaime, un afwaschen.
Den Darm möste aber uter Stadt halen, indem dat de Slach-
ters in Langeßen niethieren wärren. Oof twei lütte Uitschen
wörre hei benödig, awer se mösten frisch uppen Beinen sien.
Do ene bikannt wörre, dat de Balbe-ir underwielen forellen
aite un oof de Kerntnisse härre, up wekke Art se lichte un
oof for ummesüß tau fre-ien stünnen, sau sölle up den wissen
Tag en groten Fisch anschaffen un an ene de Blase asle-
iweren, et fleisch könne hei sülwest biholen, do hei dat geren aite.

Un dat alles schaffe de Balbe-ir unvorzuiglich an un
brochte et naen Doktere.

Den anderten Dag, ne Stunne vorhen, eier dat hei Hein-
derich Schwarze harre henbeien laten, dat hei mit den Bal-
beire kaime, sette sek de Dokter hen un sawerze-ire dat la-
bendige Deirt, wat hei Swarzen wolle uten Eiewe trecken.
Den Darm bund hei an einen Enne tau mit en finen fäm
un bilde en runnen Kopp daderan. Nu lait hei von der
openen Halwe de eine von den Uitschen herinfallen un of
en Deil Water, sneure den Darm af, sau dat se en lüttjen
Speelrum bihailt; denn sau kam de Fischblase, do harre
de Dokter up ne geschickete Wiese starken Spe-irichtus inne-
goten un se wedder vorsloten. Bifestiget word se dorch en
finen fäm, dat se nich könne wiefen; telest kam de tweede
Uitsche un wedder en Deil Water, eier de Dokter et Enne
taubund; taun Slusse trecke up der fettstriepe bet taun Swanze,
den hei utefranset harre, dat et utsach, we-i en Sweif, ne
breie swarte Striepe.

De Dokter freue sek bannig, we-i he dat gruilige Unge-
tuim bitrachte, wat hei nu wolle vor Minschenoogen ut
Swarzen sienen Eiewe ant Daeslicht halen; awer hei harre
neine Tied meer ower, weil hei in der Furcht stund, dat de

Mitschen et Lewent nich sau lange bihailen, do se doch de Operatschon erst mössen dorchmaken un overstahn.

Swarzen harre de Dokter in der freue reiz ne Sorte Slummergedränke geneiten laten, umme den Worm intausfläpern, et was awer en Middel, dat et Kolderent en Schuer seß stödde, dadorch dachte denn Heinerich, de Worm laie in en Draußele un rege seß nich.

We-i nun de Dokter un de Balbe-ir int Hus kaimen, laitn se gliet alle Fenster upsparren, dat frische Lucht vorhanden wörre. Denn sau sproß de Dokter Swarzen guen Trost tau un stelle siene Reddunge in Utsicht un hei glöwe, dat hei mit den leiwen Gott sienen Bistanne un dorch den Andeil von guen Minschen von siener Leidenschaft solle be-friiet weeren.

De Unbihörigen weenen, dat ne de Thranen pieplings de Nāse dal laipen, awer Swarze fate seß un säe, hei wolle seß in alles fuigen, wat de leiwe Gott ower ene bisloten hārre un datau sächte de Dokter Amen.

De frue un etlige fruenslüde gängen nu in de lütte Stuwe hinnen un de Balbe-ir slot de Döhr tau. Swarze trecke de Hosen ut un make seß luchtsen, dat he sau recht leschehr was un moste seß lanf up et Kanebee läggen.

De Dokter lait ne nu up Kloriform ruken, wat he ne under de Nāse hailt un do slaip hei peh a peh in. (Düsse Art von Slapmiddel was in den Jaare erst uppekomen un de meereften Dokters kennen et noch nich.)

Done sette seß de Dokter for ne hen un fong an, Swarzen et Lief te knäen un tau kwarcken un tau kniepen, dat hei an den Buße ganz bluh word. De Paschente feule da nist von un harre da nist ower un rege seß nich emal; de Dokter harre dorch düet Tractemente in Utsicht, dat Swarze sölle nah der Operatschon ne gelinne Weihdae feulen, indem

hei süß neine grote Vorstellunge gewonnen hārre un hārre se nich for wat Grotes annesaihn. Uterdeme moste en Deil Tied vorstricken, denn wenn et tau rasch gunk, denn sau hārren sef de frünne da oof neine hoogen Gedanken ower emaket.

Swarze slaip seute hen. Do nam de Dokter ut siener Tasche dat Glaas, wo hei den Worm inne sitten harre, laitet dorch den Balbeir öffenen un dei gaffet ne in siene Hand.

Wer et Dokterend eleert hät, dei weit nu, wat kummt, un weit oof, up welke Art de Kunstworm in Swarzen sien Kief kam, ef draf et nich meer taun Unschiene bringen, indem sef mannig ein daderan stöten könne un ef wolle doch nich geren mine leiwen Lesers voren Kopp stöten; uiwrigens hole ef se for sau geleert, wenn se oof nich Melleze-in stude-irt hāwvet, dat se sef könnt ne lichtferdige Vorstellunge dadervon maken.

Nu harre Swarze werkllich un sündler allen Twiewel en labendig Deirt in sienen Kiewe un sauzar twei, do de Dokter den duwvelten Worm sau hoog we-i ichtstens mechlich harre innewennig hen praktese-irt.

Dat Bitāuwent harre de Dokter all en gans Schuer anstahn laten un do wafe Swarze up, we-i de Dokter de Operatschon harre te Enne brocht.

Do sprok hei Swarzen an: „Jezund is jue Leidenstied tau Enne, ef hebbe nu dorch vele sware Bimāuunge dat Deirt herunderebrocht, awer do et scheir sau wiet was, dat ef et wolle gans an mef nemen, gunk et mef dorch siene Smiedigkei manf den fingern weg. Et sit awer all gans unnen, gaet nu man hen, wo en gesund Minsche alle Dae hengait.

Do reip Swarze up en Mal: „Ef feule dat all, dat et kummet“, un sprunk up, dat he up den Enmer kam.

Ut den Geräusche, wat seß nu vornemen lait, saigen se alle in, dat et tau Dae komen was.

Mit groter Geschwindigkeit reit de Dokter Swarzen von den Sitze weg; do namme den Emmer un brocht ne vor et fenster. Nu fate dat Diert ielig un drücke et in der Mitde, dat de Blase, wo de Spe-irichtus inne was, moste basten. Up einnal, wei ne de Spe-irichtus up et Lief kam un fratt, fängen de Uitschen, dei vorher all en bettchen swaf wörren, in erer Behufunge an te hüppen un te dansen, dat se hoog in de Lucht huckten, as wenn se nich rechte klauß wörren.

In den Omente moste ielig de Balbe-ir Swarzen herleien, indem dei noch up swacken fäuten stund, un denn reggele de Döhr up un reip de fruens, dat se dat Wunner söllen bitrachten, denn lange konne dat Speelwarß mit den Uitschen nich duern, indem dat se dorch den genotenen Spe-irichtus mosten bisopen weren un taun Stillstanne komen.

Nu fällen se allehope ut der Betrachtunge inne Verwunderunge un erstaunen seß, un ein, wat en Katholsch was, reip ein hinder et anner: „Jesses, Marie, Joseffe!“ un Swarze schrie un weene for groter Freude un nam den Dokter in sienen Arm un herze ne un kisse ne, sau utgelaten was hei.

De Balbe-ir namm den Emmer un we-ise allen, dei anwesent wörren, dat Deirt, wat nun nich meer sau häufig seß rege, wäendessen dat den Uitschen de Spe-irichtus innen Kopp steegen was; hei stelle seß awerst jümmer sau, dat sien Schatten in den Emmer fäll, dat se nich söllen den äuseren Bu un de inderlige Bischaffenheit von den Worme waarnemen. Taun Anfaten nelle seß nein, weil ne dafor grue un weil ne villichte düchte, dat he nich reine was un oof roof.

De Dokter sette dat den Luuen utenanner, saun Art Geschöpfe könne ebensauwennig in frischer Lucht lewen, we-i en Fisch, wenn dei ut en Water enomen wörre, do dat sien Lewenstraktament wörre. Wenn ne wer da herut naimt, denn sau möste den Geist upgewen un up dat nämliche wörre dat in düssen Falle. Dat Deirt wörre dood.

De Balbe-ir mooste et nu in en wiethalsig Glaas mit en groten Proppen schüdden, wat hei den Anschiene nah tau-fällig bi sef harre, nahdem hei et mit reinen Water harre awwespeulet, un denn gaff er de Dokter Spe-irichtus up, bund et feste tau un setter en Seegel up.

Hei gaff Swarzen tau vorstahn, wenne nah Hus kaimt, wolle hei den Worm mit en Breire, den hei schriewen wolle, nah Barle-in an den höggesten Professor schicken, dat dei ne undersöchte un klare ne dorch sien Gutachten daower up. De Balbeir möste dat noch vanawend nah Goslar bringen, indem te Langeßen dotaumal noch neine Post was.

Swarze un siene frue konnen sef vor freuden garnich taufreen gewen, hei feule sef sau lichte, we-i en Däggel in der Lucht, dat Bolderent un Kolderent härke sef gans entlaten; wenne sef oof noch swak in Buks feule un sautesäggan, as wenn ne ein up en Eiewe mit Trummelstöcken härke vorboomelect, dat möchten woll de Nahweien sien, dadorch, dat ne de Dokter härke scharp most angriepen, dat wolle sef woll bi korten gewen.

In düssen Falle gestunt sef de Dokter tau der sülstigen Meinunge un säe dat oof.

We-i nu Swarze härke von den Doktere vornoomen, wo hei sef vorholen sölle, un de Dokter un de Balbe-ir wollen dat Hus vorlaten, säe Swarze: „Teuwen Se noch, ein Woord!“ Do dreie sef umme, make de Schapdöhr up un freich ne lanke

Kulle, wo harte Dahlers inne wörren, herut (hei harre sef dat all taur halwe elägg, up den fall, dat et gelicken sölle) un reffe dei den Doktere hen, indem dat hei sächte: „Dat hebbe ef Sei dafor tauedacht, dat Sei mef ehulpen häwvet.“ De Dokter trecke sef awer taurügge un nam et nich un twöre ne up hochduitsch an: „Mein lieber Freund,“ sächte, „ich bin durch das Glück, welches mich bei dieser schweren Sache begleitet hat, mehr als belohnt und werde meine Freude außerdem noch durch einen Akt der Wohlthätigkeit zu erkennen geben. Es würde meinen Ansichten nicht entsprechen, von Euch eine Belohnung anzunehmen, weil ein ähnlicher wunderbarer fall sich seit Adams Zeiten nicht zugetragen hat. Überhaupt giebt es gar keine Tage, in welcher ein solches Unternehmen vorgesehen und in Berücksichtigung genommen sein könnte.“

„Up den fall aber,“ fuige hentau, „dat jü den Balbeire wat taukomen laten wilt, do sin ef geeren von tau-freen, indem dei mef forschen Bistand eleistet hät.“

Do freich de Balbeir ne Hand full harte Dahlers nn freue sef, as wenne en Lork annen Stricke härke.

De heien vorasscheiden sef mit den gröttesten Ehrenst un güngen nah Hus. Inderlich lachen se awer, dat se sef mosten den Buß holen.

Et was guet, dat Swarze dat nich wußte un heere, wat se mit enanner spröken.

Den Awend moste de Balbeir nah Goslär mit den Breiwe un den Glase, wo dat Deirt innesatt. Hei brocht et aber wedder taurügge. Up en Henwäe zeige dat allen Luien, dei ne mötten, up en Herwäe freich et nein Minsche tau sain, aber fortellen deie daderower, wat hei härke upper Post for Geschäfte hat.

De Dokter s.neit de ganse Bescheerig up de Mische.

Do hei Swarzen den anderten Morgen wolle biseuken, un sef erkunnigen, wo hei sef befunnen härke, sau was hei garnich inne un siene fru vortelle ne, Heinrich härke sef sau lichte un sau woll efeult un se härke ne nich upholen könnt, hei wörre nar Hitte gahn. „We-i sind ganz glücklich,“ sächte se, „dat hei siener Qual entlediget is, awer hei hätt noch en Bideken, wat ne biswäret. Ullaten dait hei sef daower nich.

Do gaff er de Dokter tauvorstahn, bi forter Tied wörre hei sef vormauen, dat hei Nachricht von Barle-in fre-ie ower dat, wat hei doorten henneschicket härke, sau balle we-i dat bie ehne indröpe, sau kaine hei her un wolle ne dat vorsehen un middedeilen, hei wörre sicher, dat et wat Gueswörre un Swarze denn sien Bideken entlaite.

Swarze gunt nu nach siener Arbeit Dag for Dag un was lustig un gesunt, blot hei was noch saun bettgen anngreppen un swak in den Liewe, wo ne de Dokter harre solkered un ekneppen.

Feertein Dae wörren all vorfloten, seert dat Heimerich Swarze offere-irt was un de Luie harren sef all wedder taur Raue begeeven ower all dat Gespräche, wat wäen düssen Vorfall efeurt was, do dachte de Dokter, et wörre nu woll de passige Tied, dat de Nachricht von Barle-in ankaine.

Tau düssen Zwecke nam hei en Affdruck von sienen Uttestaten, datte freegen harre, wei hei in Barle-in taun Dokter word emaket; dat Bläd was mit groten Baukstawen bishrewen un den hänger oof en groot Seegel an.

Dat foole in de Längs un in de Tweer un stof et in en groten Umslag, wo sien Name un oof wo hei wohne, upstunt.

Den Balbe-ir harre de Dokter all't Morgens nah Swar-

zen sienen Huse eschicket un harre siener Frue de Botschaft laten henbeien, den süßtigen Nahmdag, wenn Swarze upper Hütte Schicht emaket härre, denn sau wolle hei komen un lesen de Schrift vor, dei ne de Professors ut Barle-in härren taukomen laten; se söllen oof ere ganze Fründschop datau inlaen, indem hei et geren saige, dat dat, wat hei vulltrecket härre, under de Luie kaime, vorzüglich, weil et sau glücklich wörre awwelopen.

Do de Dokter henkam, was et ganze Hus vull un se drängen sek vor der Huspoorte, dat se söchten, midde int Hus to gelangen. Düt was den Dokter vull leif, indem up dei Art, wenn se sek drängen, nein einzig komme dertau komen, den Breif nächer in Ooenschien tau nemen.

Nu tratt de Dokter up un foole sien Pope-ir utenanner. Teerst sprook hei awar einiges taur Inleidunge, un denn fong hei an tau lesen: Quod bonum felix faustumque sit . . . sau las hei nu etlige Keegen tau, underbrook sek sek awer up en Stutz un sächte: „Luie, Luie,“ sächte, „ek forgette gans, dat jü in den Latinschen nich sau läufig weset, ek will jüch dat nu vorduitschen.“

Nu vortelle hei den Luien meer as dat hei ne Rede daie, nachdem dat sien Breif un dat Glaas in Barle-in wörre anekomen, härren se de gansen Professors tehope raupen un härren dat Beist up veelfältige Art un Wiese innewennig un oof buttewennig undersocht; do stimmen se alle owerein, düt wörre et erstmal, dat sauwat sek härre taudragt, denn in den Bäufern stünne da noch nist owere ameteifet. Un oof in den Vorsammlungen, dei doch grot wörren, härre sek saume Art von Bildung nich andräpen laten. Se freuen sek ungeheuer un se wollen den Dokter dadertau kradele-iren, dat hei dit härre sau glücklich vullenseuret. Taur Anerkennunge erennen se ene taun Eren-Dokter von Barle-in un taun Tuiz-

nisse stellen se ene düssen Breif ut un setten er et groote Staatsseegel under.

Done entstunt ne grote Freude under den Luien un se kaimen un schüddelden den Dokter beie Hanne.

Un denn zeige ne oof noch sienen Namen up den groten Pope-ire, dei mit groten Bauksiabn utedrückt was, namm et denn wedder tehope un stof et in de Posttasche.

„Bienah,“ sächte do, „härre ek doch noch wat forgetten, wat er inne stait. Se schriewet noch, tau allen Owersluffe wollen se noch bimerken, dat se dat Geschöpfe härren for en Männeken bifunnen.“

Kume harre de Dokter düsse Wore utesproken, sau kam Swarze up ne angestörtet un nam ne inuen Arm un säe, düt wörre noch sien grötteste Bidenken ewest, wat hei ehät härre, un wo hei härre konnt nich for tau gue weren, dat et villichte en Wieweken ewest wörre un dat dadorch villichte noch en Deil Lüttge in sienen Liewe sek upheilen un dat dadorch dat Speelwart von frischen wedder losgünge. Nu wörre hei awer frie un vorlichtert un hei wüßte un wörre vorsichert, dat hei vorschont bliwen dee un blewe gesund.

Je Luie güngen nu mit groten Freuden utenanner un sproken dat allerwechen ut, wat se eheert harren un vorbreien et.

Dorch düssen Taufall freich de Dokter groten Unloop un gewunt dodorch veel, awer da harre hei nich veel ower un make sek da nist ut, denn siene grötteste Bilohnunge was, dat hei dodorch in sek feule, hei härre den unglückeligen Menschen, dei sek harre wollt et Lewent neemen, taun glückeligen un taufreenen Menschen emaket.

Heinrich Swarze vorhale sek in korter Tied, dat hei ganz gesund un stark word un lewe noch veele Jaare mit groten

Freuden. Telest stovv hei anner Krankheit, dei hei sek harre
dorch ne Verfüllunge tauetrecktet.

De Luch un de Druch von den Doktere word Swarzen
siene Reddunge, awer nich taun wennigsten was et oof sien
Glowe, denn:

. Unse lowe ys de awerwinnunge, de de werlt awer-
wunnen hefft. (Bughagen.) 1. Joh. 5, 4 und 5.

Enne.



117340
D36G5

Dandworth, A.

Gloofhaftige nahricht
ower ne afsunderlige
operatschon

M93233 PT4848
D36G5

THE UNIVERSITY OF CALIFORNIA LIBRARY

YC148765

